

龍溪縣志

卷一至卷四

序

有_二必有志所以記風俗之污隆民情
之得失政治人物之盛衰凡百脩為悉
載於此其關係乎世道人心者非淺鮮
矣龍溪為漳附郭邑自承紫陽過化理
學名臣前後接踵且就其小者言之如
婦女出門有文公斗文公衣文公履文
公_一城每_一部_一牛兵燹

以後木愚婦女街市行久三山面不蔽
者余曰此事雖小所防甚大故諄諄示
禁以期復古之風然教澤未泯者先正
之型也文獻無徵者有司之責也溪係
七邑首領地方遼濶政事殷煩舊志無
存將何以考污隆鑒得失而察盛衰者
乎一自履任之初即留心採訪無如求
之愈切得之愈難蓋自匪擾以還而散

佚殆盡矣數月後適逢試期諸生雲集
予乃廣為示諭有范生登雲者携得乾
隆壬午所脩以獻帙多破碎續又得鄭
生奎海搜覓一部彙成全書皆前令吳
樾菴先生手輯也去今百有二十載板
悉被燬恐遲之又久斷簡殘編盡歸寒
落亟召手民重鐫焉因思此百二十載
後風俗民情政治人物不無或異則安

斯土者又不可不知也爰商吳君聯薰
施君開昌吳君金榜鄭生圭海魏生森
林魏生新德網羅舊聞為之分類增補
另編二卷附末以俟後之君子採擇而
重脩之是予所深望也茲因奉
調銀同命下之日匆匆卸篆謹綴數語
倚裝書之

光緒五年歲次己卯長至日龍溪縣令荆南八十四譔

龍溪縣志序

龍溪自蕭梁建邑稱名最古大江南
旋羣山北顧提封四接壤圻交錯地
當閩海奧區夙稱難治我

朝

聖相承湛恩汪濊洋溢邊隅凡我蒸黎胥

安樂利陽湖吳君作宰是邦越今三

載奉宣

德意以致民和政事之暇復留心於建置

沿革之由山川民物之盛風土人情

之故廼與邑之士大夫訂舊圖新謀

脩邑志旣蒞事錄稿於余兼請爲序

余繙閱數過不禁慨然有感也昔

先大夫以康熙丁丑進士出宰是邑

發奸摘伏撫字催科規畫經營拳拳

匪懈余時當幼穉雖得偕伯仲隨侍

官齋而凡所見閱罔窺萬一及解組

歸田溪人士於逾年後裁踐集腋授

梓相貽曰愛棠集余旣長檢而讀之
於以知遺愛在民洵不能忘也昨歲

恭膺

簡命陳臬於茲側聞邑中父老尙有能述
先大夫治行者曩所脩舉如響水橋
日照巖等諸遺跡迄今垂六十年猶

耳目而稱道之逮觀新志當日之實
心實政得與魏線諸公共徵不朽追
維疇昔展卷流連固感慨係之矣至
於邑志之脩溯自大同而後千有餘
載紀乘邈焉泊江君梅谿據前代府
志中分紀二冊推考成書凡十二卷

邑有專志於是乎始吳君更加脩輯
考核蒐羅補遺正舛天時地利典祀
兵戎以逮人物寓賢文辭故實上下
古今釐然大備卷倍於前書不繁重
良史才也舊志不另編名宦并載列
女於方伎仙釋之後昔班孟堅爲循

吏列女立傳凡以風示來茲敦崇教
化耳吳君彰微闡幽表揚閭里又從
故老之所傳聞婦孺之所景慕皆置
專門以相興起見誠偉哉余自涖閩
以來屬邑之因革興除亦嘗廣詢周
諮具知大略惟是夙夜永兢務期平

青溪縣志 序
允冀以上報


聖恩下承 先訓曩時之教忠教孝如在
目前語曰前事之不忘後事之師也
吳君勉旃余益知所率循已是爲序

皆

乾隆二十七年壬午冬月

賜進士出身通議大夫署理福建布政使
事按察使司按察使加三級新建曹

繩柱撰



序

嘗聞域中有三大權而史官居一焉
邑之志即邑之史也志顧不重哉龍
溪自大同置邑始列職方迄朱子典
牧是邦文教漸摩名儒輩出俗蒸蒸
向上數百年而未有改矣余於癸酉

歲奉

命觀察汀漳龍三州駐節於斯即嘗按其
圖籍質以所見所聞有不醇不備之
憾思欲搜羅散失勒成一書而有志
未逮也後以量移臺灣越三年秩滿
天子以余熟悉海疆復

命泣斯土適邑令陽湖吳君有脩志之後
余喜不自勝蓋溪故有志殘缺已久
時事遞更非討論而纂輯之不可茲
變舊例之十二卷分為二十四卷釐
其舛錯增其未備凡有關於天時人
事有裨於國計民生者無不眉列而